













玉臺新詠目錄卷之七

吳筠

採桑

梅花落

古意二首

與柳惲相贈荅六首

陌上桑

秦王捲衣

採蓮





攜手

春日

雙燕

春怨

閨怨二首

去妾贈前夫

妾安所居

三嬋艷

詠少年



庾丹

秋閨有望

夜夢還家

王僧孺

月夜詠陳南康新有所納

見貴人初迎盛姬聊爲之詠

與司馬治書同聞隣嬪夜織

爲何庫部舊姬擬薜蘿之句

在王晉安酒席數韻



何生姬有怨

爲人寵姬有怨

寵姬

爲姬人自傷

爲人有贈

爲人傷近不見

有所思

春閨怨

秋閨怨



夜愁

擣衣

張率

相逢行

對酒

遠期

徐悱

贈內

對房前桃樹詠佳期



徐悱妻

聽百舌

荅唐七娘七夕穿針

春閨怨

佳人

班婕妤怨

費昶

華觀省中夜聞城外禱衣二首

和蕭記室春旦有所思



春郊見美人

照鏡

陽春發和氣

秋夜涼風起

採菱

芳樹

長門怨

巫山高

有所思



姚翻

採桑

孔翁歸

班婕妤怨

何思澄

擬古

班婕妤怨

南苑逢美人

湯僧齊



漂井得金釵

徐勉

採菱曲

楊暉

詠舞

玉臺新詠目錄卷之七終







玉臺新詠卷之七

陳東海 徐陵孝穆甫編定

公安 袁宏道中郎甫批閱

明

錢塘 沈逢春六符甫叅訂

採桑

吳筠

字叔庠吳興故章人建安王引爲記室尋爲國侍郎

賤妾思不堪採桑渭城南帶減連枝繡髮亂鳳凰  
簪花舞依長薄蛾飛愛綠潭無由報君信流涕向



春蠶俊

梅花落

隆冬十二月寒風西北吹。獨有梅花落。飄蕩不依枝。流連逐霜彩。散漫下冰澌。何當與君日。共映芙蓉池。

與柳暉相贈荅

六首

黃鸝飛上苑。綠芷出河洲。日映昆明水。春生鵝鵲樓。飄颻白花舞。瀾漫紫萍流。書織迴文錦。無因寄隴頭。思君甚瓊樹。不見方離憂。

清振



其二

鳴鞭適大阿、連翩渡漳河、燕姬及趙女、挾瑟夜經過。  
纖腰曳廣袖、半額画長蛾、客本倦游者、箕箒在江沱。  
故人不可棄、新知空復何。

其三

離居苦無樂、回慕心悽悽、要途訪趙使、聞君仕執珪。  
杜蘅色已發、菖蒲葉未齊、幕廬蠶餌蠶、差池燕吐泥。  
願逐東風去、飄蕩至遼西。

其四



王臺新詩 卷七  
二  
白日隱城樓。勁風掃寒木。離枿隔東西。執手異涼燠。相思咽不言。洞房清且肅。歲去甚流烟。年來如轉軸。別鶴千里飛。孤雌夜未宿。

其五

閒房宿已靜。落月有餘輝。寒蟲隱壁思。秋蛾繞燭飛。絕雲斷更合。離禽去復歸。佳人今何在。迢遞江之沂。一爲別鶴弄。千里淚沾衣。

有古氣

其六

秋雲靜晚天。寒夜方綿綿。聞君吹急管。相思雜採



蓮。別離未幾日。高月三成弦。躑躅聲黃河浪。嘶唱隴頭絃。寄書薜蘿葉。插着叢臺邊。

古意

二首

匈奴數欲盡。僕在玉門關。蓮花穿劍鏑。秋月掩刀環。春機鳴窈窕。夏鳥思綿蠻。中人坐相望。狂夫終未還。

其二

妾家橫塘北。發艷小長安。花釵玉宛轉。珠繩金絡紈。羃歷懸丹鳳。逶迤搖白團。誰能分見此。含恨不



能言。

陌上桑

嫋嫋陌上桑、蔭陌復垂塘、長條映白日、細葉隱鸝黃、蠶饑妾復思、拭淚且提筐、故人寧知此、離恨煎人腸。

秦王捲衣

咸陽春草芳、秦帝捲衣裳、玉檢茱萸匣、金泥蘇合香、初芳薰複帳、餘輝曜玉堂、當須宴朝罷、持此贈

華陽。

麗



採蓮

錦帶雜花鈿。羅衣垂綠川。問子今何去。出採江南蓮。  
遼西三千里。欲寄無因緣。願君早旋返。及此荷葉鮮。

攜手曲

艷裔陽之春。携手清洛濱。雞鳴上林苑。薄暮小平津。  
長裾藻白日。廣袖帶芳塵。故交一如此。新知詎憶人。

春日



三  
卷一  
春從何處來。拂水復驚梅。雲障青瑣闥。風吹承露臺。美人隔千里。羅幃閉不開。無由得共語。空對相思杯。  
綺艷

雙燕

一燕海上來。一燕高堂息。一朝相逢遇。依然舊所識。問我來何遲。山川幾紆直。荅言海路長。風多飛無力。昔別縫羅衣。春風初入帷。今來夏欲晚。桑蛾薄樹飛。

春怨



四時如湍水奔飛。近迴復。夜鳥響嚶嚶。朝花照煜煜。  
厭見花成子。多看筍成竹。萬里斷音書。十載異棲宿。  
積怨落芳髻。長啼懷美目。君去住榆關。妾留住函谷。  
惟對昔耶房。如愧蜘蛛屋。獨喚響相酬。還將影自逐。  
象床異氍毹。羅衣變單複。幾度過風霜。猶能保瓠獨。

閨怨 二首

胡笳屢悽斷。征蓬未肯還。妾坐江之介。君戍小長安。  
相去三千里。參商書信難。四時無人見。誰復重



羅紈。

其二

春草可攬結。妾心正斷絕。綠髮愁中改。紅顏啼裏滅。非獨淚如絲。亦見珠成血。願爲雙鵲鏡。翩翩照離別。

去妾贈前夫

棄妾在河橋。相思復相遼。鳳凰簪落髮。蓮花帶緩腰。腸從別處斷。貌在淚中銷。願君憶疇昔。片言時

見饒。

真



妾安所居

賤妾先有寵。蛾眉進不遲。一從西北麗。無復城南  
期。何用暫艷逸。豈爲乏妍姿。徒有黃昏望。寧遇青  
樓時。惟惜應門掩。方餘永巷悲。匡牀終不共。何由  
橫自私。

三婦豔

大婦弦初切。中婦管方吹。少婦多姿態。含笑逼清  
卮。佳人勿餘及。慙慙妾自知。

詠少年



董生惟巧笑。子都信美目。百萬市一言。千金買相。  
逐不道參差菜。誰論窈窕淑。願言捧繡被。來就越  
人宿。

秋閨有望

庾丹

少有雋才爲桂州  
刺史蕭朗記室

耿耿橫天漢。飄飄出岫雲。月斜樹倒影。風至水迴。  
文已泣機中婦。復悲堂上君。羅襦曉長襞。翠被夜  
徒薰。空汲銀牀井。誰縫金縷裙。所思竟不至。持酒



清夜分。

夜夢還家

歸飛夢所憶。共子汲寒漿。銅瓶素絲綆。綺井白銀床。雀出丰茸樹。蟲飛玳瑁梁。離人不相見。爭忍對春光。

月夜詠陳南康新有所納

王僧孺

東海鄉人累遷鎮古南康王諮議參軍

二八人如花。三五月如鏡。開簾一種色。當戶兩相



王臺新詩 卷七  
映重價出秦韓。高名入燕鄭。十城屢請易。千金幾  
爭聘。君意自能專。妾心本無競。

見貴者初迎盛姬聊爲之詠

久想專房麗。未見傾城者。千金訪繁華。一朝遇客  
冶。家本薊門外。來戲叢臺下。長卿幸未匹。文君復

新寡

趣

與司馬治書同聞隣婦夜織

洞房風已激。長廊月復清。藹藹夜庭廣。飄飄曉帳  
清。雜聞百虫思。偏傷一鳥聲。鳥聲長不息。妾心復



何極猶恐君無衣。夜夜當窓織。

爲何庫部舊姬擬薜蘿之句。

出戶望蘭薰。褰簾正逢君。歛容纔一訪。新知詎可聞。  
新人含笑近。故人含淚隱。妾意在寒松。君心逐朝槿。

在王晉安酒席數韻

窈窕宋華容。但歌有清曲。轉盼非無以。斜眉幸相矚。  
不減許飛瓊。絕勝劉碧玉。何因送款款。伴飲杯中醪。

麗逸



何生姬人有怨

寒樹棲羈雌。月映風復吹。逐臣與棄妾。零落心可  
知。寶琴徒七弦。蘭燈空百枝。顰容不足効。啼妝拭  
復垂。同衾成楚越。異國非仳離。

爲人寵姬有怨

可憐獨立樹。枝輕根亦搖。已爲露所浥。復爲風所  
飄。錦衾襞不開。端坐夜及朝。是妾愁成瘦。非君重

細腰。

騷雅

詠寵姬



及君高堂還。值妾妍粧罷。曲房褰錦帳。迴廊步珠  
屐。玉釵時可挂。羅襦詎難解。再顧傾城易。一笑千  
金買。

爲姬人自傷

自知心裏恨。還向影中羞。迴持昔慊慊。變作今悠  
悠。還君與妾扇。歸妾奉君裘。斷弦猶可續。心去最  
難留。

爲人有贈

碧玉與綠珠。張盧復雙女。鼻聲古難匹。長袂世無



三臺新詩 卷一 九  
侶似出鳳凰樓。言發瀟湘渚。幸有褰裳便。含情寄一語。

爲人傷近而不見

羸女鳳凰樓。漢姬栢梁殿。詎過仙將死。音容猶可見。我有一心人。同鄉不異縣。異縣不成隔。同鄉更脉脉。脉脉如牛女。何由得一語。

有所思

夜風吹熠燿。朝光照昔耶。幾銷靡蕪葉。空落蒲萄花。不堪長織素。誰能獨浣沙。光陰復何極。望促反



成賒。知君自蕩子。柰妾亦倡家。

昔耶瓦松也一作辟邪

### 春閨怨

愁來不理髻。春至更攢眉。悲看蛺蝶粉。泣望蜘蛛絲。  
月映寒蛩褥。風吹翡翠帷。飛鱗難托意。駛翼不銜辭。

艷冶

### 秋閨怨

斜光隱西壁。暮雀上南枝。風來秋扇屏。月出夜燈  
吹。深心起百際。遙淚非一垂。徒勞妾辛苦。終言君  
不知。



夜愁

簷露滴爲淚。池水合成壁。萬行朝淚瀉。千里夜愁積。孤帳閉不開。寒膏盡復益。誰知心眼亂。看朱忽成碧。

擣衣

足傷金管遽。多愴緹光促。露團池上紫。風飄庭裏綠。下機驚西眺。鳴砧遽東旭。芳汗似蘭湯。彫金辟龍燭。散度廣陵音。慘寫漁陽曲。別鶴悲不已。離鸞斷還續。尺素在魚腸。寸心憑雁足。



相逢行

張率

字士簡吳郡人歷黃  
門侍郎爲新安太守

相逢夕陰街。獨趨尚冠里高門。旣如一甲第。復相  
似。憑軾日欲昏。何處訪公子。公子之所在。所在良  
易知。青樓出上路。漸臺臨曲池。堂上撫流徽。壘樽  
朝夕施。橘柚分寶葉。朱火燎金枝。兄弟兩三人。冠  
珮紛陸離。朝從禁門出。車騎並驅馳。金鞍瑪瑙勒。  
聚觀路傍兒。入門一顧望。鳬鵠有雄雌。雄雌各數



千相鳴戲羽儀。並在東西立。群次何離離。大婦刺  
方領。中婦抱嬰兒。小婦尚嬌稚。端坐吹參差。丈夫  
無遽起。神鳳且來儀。

對酒

對酒誠可樂。此酒復芳醇。如華良可貴。非乳更非  
珍。何當留上客。爲寄掌中人。金尊清復滿。玉椀亟  
來親。誰能共遲暮。對酒惜芳辰。君歌尚未罷。郤坐  
避梁塵。

遠期



遠期終不歸。節物坐將變。白露濕單衣。秋風息團扇。誰能久別離。他鄉且異縣。浮雲蔽重山。相望何時見。寄言遠行者。空閨淚如霰。

對房前桃樹詠佳期贈內

徐悱

字敬業。少有才學。累遷洗馬。遷晉安內史。

相思上北閣。徙倚望東家。忽有當窓樹。兼含映日花。方鮮類紅粉。比素若鉛華。更使增心憶。彌令想狹斜。無如一路阻。脉脉似雲霞。嚴城不可越。言折



代疎麻

贈內

日暮想青陽。躡履出椒房。網蟲生錦薦。遊塵掩玉床。不見可憐影。空餘黼帳香。彼美情多樂。挾瑟坐高堂。豈忘離憂者。向隅心獨傷。聊因一書札。以代

九迴腸。

清逸

荅唐孀七夕所穿針

徐悱妻劉氏

孝綽之  
妹令嫺



倡人助漢女。靚妝臨月華。連針學並蒂。縈縷作開  
花。嬌閨絕綺羅。攬贈自傷嗟。雖言未相識。聞道出  
良家。曾停霍君騎。經過柳惠車。無由一共語。暫看  
日升霞。

聽百舌

庭樹旦新晴。臨鏡出雕楹。風吹桃李氣。過傳春鳥  
聲。靜寫山陽笛。全作洛濱笙。注意懽留聽。誤令粧  
不成。

春閨怨



花庭麗景斜。蘭牖輕風度。落日更新粧。開簾對春樹。鳴鵬葉中舞。戲蝶花間驚。調琴本要懽。心愁不成趣。良會誠非遠。佳期今不遇。欲知幽怨多。春閨深且暮。趣

詠佳人

東家挺奇麗。南國擅容輝。夜月方神女。朝霞喻洛妃。還看鏡中色。比艷似知非。擲辭徒妙好。連類頓乖違。智夫雖已麗。傾城未敢希。

班婕妤怨



日落應門閉。愁思百端生。況復昭陽近。風傳歌吹聲。  
寵移真不恨。讒枉太無情。只言爭分理。非妬舞腰輕。

華觀省中夜聞城外擣衣

二首

費昶

江夏人

閨闔下重關。丹墀吐明月。秋夜城中冷。秋砧城外發。  
浮聲繞雀臺。飄響度龍闕。宛轉何藏擢。當從上路來。  
藏擢意未已。定自乘軒裏。乘軒盡世家。佳麗



三臺新詞 卷十  
似朝霞圓瑤耳上照。方繡領間斜衣薰百和。眉鬢  
插九枝花。昨暮庭槐落。今朝羅綺薄。拂席卷鴛鴦。  
開縐舒龜鶴。金波正容與。玉步依砧杵。紅袖往還  
縈素腕。參差舉。徒聞不得見。獨夜空愁佇。  
艷

其二

獨夜何窮極。懷之在心惻。階垂玉衡露。庭舞松風  
翼。瀝滴流星輝。燦爛長河色。三冬誠是用。五鼎無  
糧食。楊雲已寂寥。今君復弦直。

和蕭記室春旦有所思



芳樹發春輝。蔡子望青衣。水逐桃花去。春隨楊柳歸。  
楊柳何時歸。裊裊復依依。已蔭章臺陌。復掃長門扉。  
獨知離心者。坐惜春光違。洛陽遠如日。何由見宓妃。

新拔

### 春郊見美人

芳郊拾翠人。迴袖捲芳春。金輝起步搖。紅彩發吹輪。  
楊楊蓋項日。飄飄馬足塵。薄暮高樓下。當知妾姓秦。

### 詠照鏡



三臺新詞 卷一  
晨輝照杏梁。飛燕起朝妝。留心散廣黛。輕手約花黃。正釵時念影。拂絮且憐香。方嫌翠色故。乍道玉無光。城中皆半額。非妾画眉長。媚

陽春發和氣

日靜班姬門。風輕董賢館。卷耳緣家出。反舌登牆喚。蠶女桂枝鉤。游童蘇合彈。拂袖當留客。相遲莫相難。

秋夜涼風起

佳人在河內。征夫鎮馬邑。零露一朝團。中夜兩垂



泣氣爽床帳冷。天寒針縷澁。紅顏本暫時。君隨詎相及。

採菱

妾家五湖口。採菱五湖側。玉面不關妝。雙眉本翠色。日斜天欲暮。風生浪未息。宛在水中央。空作兩相憶。

芳樹

幸被夕風吹。屢得朝光照。枝低疑欲舞。花開似含笑。長夜踏悠悠。所思不可召。行人早旋返。賤妾猶



年少趣

長門怨

向夕千愁起。自悔何嗟及。愁思且歸床。羅襦方掩泣。  
絳樹搖風軟。黃鳥弄聲急。金屋貯嬌時。不言君不入。  
巧

巫山高

巫山光欲晚。陽臺色依依。彼美巖之曲。寧知心是非。  
朝雲觸石起。暮雨潤羅衣。願解千金珮。請逐大王歸。



有所思

上林鳥欲棲。長安日行暮。所思鬱不見。空想丹墀步。  
簾動憶君來。雷聲似車度。北方佳麗子。窈窕能  
迴顧。夫君自迷惑。非爲妾心妬。  
巧

採桑

姚翻

雁還高柳北。春歸洛水南。日照茱萸領。風搖翡翠  
簪。桑間視欲暮。閨裏遽饑蠶。相思君助取。相望妾  
那堪。



王臺新詩  
班婕妤怨

孔翁歸

會稽人南  
平王記室

長門與長信。日暮九重空。雷聲聽隱隱。車響絕瓏  
瓏。恩光隨妙舞。團扇逐秋風。鉛華誰不慕。人意自  
艱終。

班婕妤怨

何思澄

字元靜。東海郟人。爲安成王記  
室。累遷侍御史。除武陵王叅軍。



寂寂長信晚。雀聲愁洞房。  
蜘蛛網高閣。駁蘚被長廊。  
虛殿簾帷靜。閑階花葢香。  
悠悠視日暮。還復拂空床。  
麗

擬古

故交不可忘。猶如蘭桂芳。  
新知雖可悅。不異茱萸香。  
妾有鳳雛曲。非無陌上桑。  
薦君君不御。抱瑟自悲涼。

南苑逢美人

洛浦疑迴雪。巫山似旦雲。  
傾城今始見。傾國昔曾聞。



聞媚眼隨羞合。丹唇逐笑分。風捲葡萄帶。日照石榴裙。自有狂夫在。空持勞使君。媚

湫井得金釵

湯僧齊

昔日倡家女。摘花露井邊。摘花還自插。照井還自憐。窺窺終不罷。笑笑自成妍。寶釵於此落。從來非一年。翠羽成泥去。金色尚如鮮。此人今何在此物。今空傳。

採菱曲



徐勉

字修仁東海郟人齊領軍長史入梁累  
官吏部尚書中書令大通中復授侍中  
中衛將軍

謚簡肅

相携及佳月採菱渡北渚微風吹擢歌日暮相容  
與採採不能歸望望方延佇儻逢遺珮人預以心  
相許

詠舞

楊皦

紅顏自燕趙紗妓邁陽阿就行齊逐唱赴節聞相



三  
卷七  
和折腰送餘曲。歛袖待新歌。嘯容生翠羽。曼睇出  
橫波。雖稱趙飛燕。比此詎成多。

玉臺新詠卷之七

終



玉臺新詠目錄卷之八

蕭子顯

日出東南隅行

代美女篇

蕭子雲

春思

蕭子暉

春宵

蕭子範



春望古意

蕭慤

秋思

王筠

春日二首

游望二首

秋夜二首

向曉閨情

閨情



有所思

三嬪艷

燈擎

劉孝綽

遙見隣舟投物衆姬爭之有客請余爲詠

淇上戲蕩子嬪

夜聽妓賦得烏夜啼

賦得遺所思

贈美人



古意

賦得照基燭刻五分成

春宵

冬曉

三嬪艷

劉孝儀

賦得龍沙宵月明

和湘東王應令冬曉

奉和逐涼



却縣見織率爾成詠

辛苦篇

怨

劉遵

繁華應令

還頓城應令

應令詠舞

王訓

奉和率爾有詠



應令詠舞

庾肩吾

有所思行二首

隴西行

春宵應令

和徐主簿望月

南苑還看人

送別於建興苑相逢

愛妾換馬



賦得橫吹曲長安道

美人看画

美人

七夕

冬曉

庾成師

遠期篇

徐君蒨

初春携内人行戲



其內人夜坐守歲

鮑泉

和湘東王春日

薔薇

南苑看游者

落日看還

寒閨

劉緩

詠名士悅傾城



秋夜

冬宵

寒閨

鄧鏗

奉和夜聽妓聲

閨中月夜

和陰梁州雜怨

陰鏗

侯司空宅詠妓



侍宴賦得竹

和樊晉侯傷妾

南征閨怨

班婕妤怨

甄固

和世子春情

劉邈

鼓吹曲折楊柳

萬山見採藥人



見人織聊爲之詠

秋閨

紀少瑜

建興苑

擬吳筠體應教

聞人禱

春日二首

吳孜

春閨怨



目錄  
卷八  
劉氏

和昭君怨

朱超道

賦得蕩子行未歸

裴子野

詠雪

房篆

金樂歌

陸罩



閨怨

庾信

昭君詞二首

結客少年場行

對酒

看妓

和詠舞

和何僕射還宅懷故

春日題屏風



徐陵

走筆戲書應令

和詠舞

和王舍人送客未還閨中有望

爲羊兗州家人荅餉鏡

玉臺新詠目錄卷之八

終



玉臺新詠卷之八

陳東海 徐陵孝穆甫編定

公安 袁宏道中郎甫批閱

明

錢塘 沈逢春六符甫叅訂

日出東南隅行

蕭子顯

字景暢齊高帝孫七歲封寧都縣侯入梁除黃門郎兼侍中國子祭酒後爲吏

部尚書

大明上迢迢陽城射凌霄光照窓中婦絕世同阿



三  
嬌明鏡盤龍刻。簪羽鳳凰雕。逶迤梁家髻。冉弱楚  
宮腰。輕紈拂重錦。薄縠間飛綃。三六前年暮。四五  
今年朝。蠶籠拾芳翠。桑陌採柔條。出入東城里。上  
下洛陽橋。忽逢車馬客。飛蓋動檐輶。單衣鼠毛織。  
寶劍羊頭鞘。丈夫疲應對。御者輟銜鑣。柱間徒脉  
脉。垣上幾翹翹。女本西家宿。君自上宮要。漢馬三  
萬匹。夫婿仕嫖姚。鞞囊虎頭綬。左弭鳬盧貂。橫吹  
龍鍾管。奏鼓象牙簫。十五張內侍。十八賈登朝。皆  
笑顏郎老。盡訝董生超。



代美女篇

邯鄲蹙輟舞。巴姬請罷絃。佳人淇水出。艷趙復傾  
燕。繁穠旣爲李。照水亦成蓮。朝酤成都酒。暝數河  
間錢。餘光幸未照。蘭膏空自煎。

春思

蕭子雲

字景喬。齊封新浦縣侯。入梁  
除散騎常侍。出爲東陽太守。

春風蕩羅帳。餘花落鏡奩。池荷正捲葉。庭柳復垂  
簷。竹栢君自改。團扇妾方嫌。誰能憐故素。終爲泣



新縑。

春宵

蕭子暉

字景光起家員外散騎  
侍郎累遷驃騎長史

夜夜妾偏棲。百花含露低。虫聲繞春岸。月色思空  
閨。傳語長安驛。辛苦寄遼西。

春望古意

蕭子範

字景則齊高帝孫封岐陽侯入  
梁爲司徒主簿累遷光祿大夫



光景斜漢宮橫梁照彩虹。春情寄柳色。鳥語出梅  
中。氛氲閨裏思。逶迤水上風。落花徒入戶。何解妾  
床空。

秋思

蕭慤

字仁祖。梁上黃侯曄之子。天保中入國。武平太子洗馬。

清波收潦日。華林鳴籟初。芙蓉露下落。楊柳月中  
疎。燕幃湘綺被。趙帶流黃裾。相思阻音信。結夢感  
離居。  
蕭散有致



春日 二首

王筠

字元禮琅邪人累遷  
太子洗馬中書舍人

日照鴛鴦殿。萍生雁鷺池。游塵隨影入。弱柳帶風垂。  
青鶻逐黃口。別鶴慘羈雌。同衾遠游說。結愛久相離。  
於今方溘死。寧湏萱草枝。

其二

菴薤心未發。靡蕪葉欲齊。春蠶方曳緒。新燕正銜泥。  
野雉呼雌雉。庭禽挾子棲。從君客梁後。方晝掩



春閨。山川隔道里。芳草徒萋萋。

游望 二首

落日照紅妝。挾瑟當窓牖。寧復歌薜蘿。惟聞嘆楊柳。結好在同心。離別由衆口。徒設露葵羹。誰酌蘭英酒。會日杳無期。薜蘿安得久。

其二

相思不安席。聊至狹斜東。愁眉倣戚里。高髻學城中。雙眉偏照日。獨蕊好縈胸。自知心所愛。獻賦甘泉宮。傳聞方鼎食。詎憶春閨容。



秋夜 二首

九重依夜館、四壁慘無輝、招搖顧西落、烏鵲向東飛、  
流螢漸收火、絡緯欲催機、爾時思錦字、持製行人衣、  
所望丹心達、嘉客倘能歸、

其二

露華初泥泥、桂枝方棟棟、煞氣下重軒、輕陰滿四屋、  
別寵增脩夜、遠征悲獨宿、愁牽翠羽眉、淚滿橫波目、  
長門絕往來、含情空杼軸、

閨情



北斗欲行沒。東方稍已晞。晨雞初振羽。曉露方沾衣。錦衾徒有設。蘭約果相違。誰忍開朝鏡。羞恨掩空扉。

閨情

月出霄將半。星流曉未央。空閨易成響。虛室自生光。嬌羞悅人夢。猶言君在傍。

有所思

丹墀生細草。紫殿納輕陰。曖曖巫山遠。悠悠湘水深。徒歌鹿盧劍。空貽玳瑁簪。望君終不見。屑淚且



長吟。

三婦艷

大婦留芳褥，中婦對華燭。小婦獨無事，當軒理清曲。丈人且安卧，艷歌方斷續。

詠燈檠

百華耀九枝，鳴鶴映冰池。末光本內照，丹花復外垂。流輝悅嘉客，翻影泣生離。自銷良不悔，明白願君知。

遙見隣舟主人投一物衆姬爭之有客請余



爲詠

劉孝綽

本名冉彭城人累遷黃門侍郎尚書吏部郎

河流旣浼浼。河鳥復關關。落花浮浦出。飛雉渡洲還。此日倡家女。競嬌桃李顏。良人惜美珥。欲以代芳菅。新縑疑故素。盛趙茂衰班。曳綃爭掩縠。搖珮奪鳴環。客心空振蕩。高枝不可扳。

淇上戲蕩子婦

桑中始奕奕。淇上未湯湯。美人要雜珮。上客誘明



三  
五  
言  
卷八  
六  
璫日闇人聲靜。微步出蘭房。露葵不待勸。鳴琴無  
暇張。翠釵挂已落。羅衣拂更香。如何嫁蕩子。春夜  
守空床。不見青絲騎。徒勞紅粉粧。  
雍容

夜聽妓賦得烏夜啼

鷓鴣且輟弄。鶴操暫停徽。別有啼烏曲。東西相背  
飛。倡人怨獨守。蕩子殊未歸。忽聞生離唱。長夜泣  
羅衣。

賦得遺所思

遺簪雕玳瑁。贈綺織鴛鴦。木若華滋樹。交枝蕩子



房。別前秋已落。別後春更芳。所思不可寄。惟憐盈袖香。

贈美人

巫山薦枕日。洛浦獻珠時。一遇便如此。寧關先有期。幸非使君問。莫作秦羅辭。夜長眠復坐。誰知顰歛眉。欲寄同花燭。爲照遙相思。

賦得照基燭刻五分成

南皮弦初罷。終奕且留賓。日下房櫳閉。華燭命佳人。側光全照扇。迴花半隱身。不辭纖手卷。羞令夜



向晨。

古意

燕趙多佳麗。白日照紅妝。蕩子十年別。羅衣舞帶長。  
春樓怨難守。玉階空自傷。對此歸飛燕。啣泥繞曲房。  
差池入綺幕。上下傷雕梁。故居尤可念。故人安可忘。  
相思昏望絕。宿昔夢容光。魂交忽在御。轉側定他鄉。  
徒然居枕席。誰與同衣裳。空使蘭膏夜。炯炯對繁霜。

春宵



春宵猶自長。春心非一傷。月帶園樓影。風飄花樹香。誰能對雙燕。暝暝守空床。

冬曉

冬曉風正寒。偏念客衣單。臨妝罷鉛黛。含淚剪綾紈。寄語龍城下。詎知書信難。

三婦艷

大婦縫羅裙。中婦料繡文。惟餘最小婦。窈窕舞昭君。丈人慎勿去。聽我駐浮雲。

閨怨



劉孝儀

字子羽，寬厚有內行，舉秀才累遷都官尚書，復爲豫州內史。

本無金屋寵，長信玉階悲。一乖西北麗，寧復城南期。永巷愁無盡，應門閉有時。空勞織素巧，徒爲團扇詞。匡床終不共，何由橫自私。

侍宴賦得龍沙宵月明

劉孝威

孝勝弟，氣調爽逸，初爲晉安王法曹遷中庶子，通事舍人。

鵲飛空繞樹，丹輪殊未圓。嫦娥望不出，桂枝稍隱。



殘落照移樓影。浮光動塹瀾。櫪馬悲笳吹城烏啼。  
塞寒傳聞機杼。妾愁余衣服單。當愁終已脆銜啼。  
織復難。歛眉雖不樂。舞劍強爲懽。請謝函關吏。行  
當封一丸。麗

奉湘東王應令冬曉

妾家邊洛城。慣識曉鐘聲。鐘聲猶未絕。漢使報應  
行。天寒硯水凍。心悲書不成。

奉和逐涼詩

鐘鳴夜未央。避暑起徬徨。長河似曳素。明星若散



瑞倚巖欣石冷。臨池愛水涼。月纖張敞畫。荷妖韓壽香。對此游清夜。何勞娛洞房。  
艷

却縣遇見人織率爾成詠

妖姬含怨情。織素起秋聲。度梭環玉動。踏躡珮珠明。經移疑杼澁。緯斷恨絲輕。蒲萄始欲罷。鴛鴦猶未成。雲棟共徘徊。紗窓相向開。窓疎眉語度。紗輕眼笑來。籠籠隔淺紗。的的見妝華。鏤玉同心帶。列寶連枝花。紅衫向後結。金簪臨鬢斜。機頂挂流蘇。機傍垂結珠。青絲引伏兔。黃金繞轆轤。艷彩裾邊



出芳脂口上渝。百城交問遺五馬共踟躕。直爲閨  
中人。守故不要新。夢啼漬花枕。覺淚濕羅巾。獨眠  
真自難。重衾猶覺寒。逾憶凝脂緩。彌想橫陳懽。行  
驅金絡騎。歸就南城端。城南稍有期。想子亦勞思。  
羅衣久應罷。花釵堪更治。新妝莫點黛。余還自画  
眉。

辛苦篇

蒲生伊阿陳。曲中多苦辛。黃金坐銷鑠。白玉遂湮  
磷。裂衣工毀嫡。掩袖切讒新。嫌成跡易已。愛去理



難申秦雲猶變色。魯日尚迴輪。妾歌已腸斷。君心  
終未親。

怨

退寵辭金屋。見譴斥甘泉。枕席秋風起。房櫳明月  
懸。燭避窓中影。香迴爐上烟。丹庭斜草徑。素壁點  
苔錢。歌起蒲生曲。樂奏下山絃。新聲惜廣宴。餘杯  
今自傳。王嬙向絕漠。宗女入祁連。雁書猶未返。角  
馬無歸年。昭臺省媵御。曾坂無棄捐。後薪隨復積。  
前魚誰復憐。



繁華應令

劉遵

字孝陵清雅有學行爲

王府記室除中庶子

可憐周小童。微笑摘蘭叢。鮮膚如粉白。慢臉似桃紅。  
挾彈雕陵下。垂釣蓮葉東。腕轉飄香麝。衣輕任好風。  
幸承枕席選。得奉画堂中。金屏障翡翠。藍幌覆薰籠。  
本知傷輕薄。含辭羞自通。剪袖恩雖重。殘桃愛未終。  
蛾眉詎須嫉。新粧迎入宮。

麗

還頓城應令



漢水深難渡。深潭見底清。錦竿繫鳧舸。珠竿懸翠  
鈴。鳴笳芳樹曲。流唱採蓮聲。神游不停駕。日暮返  
連營。寧顧空房裡。階下綠苔生。

應令詠舞

倡女多艷色。入選盡華年。舉腕嫌衫重。迴腰覺態  
妍。情絕陽春吹。影逐相思弦。履度開裙襴。鬟轉匝  
花鈿。所愁餘曲罷。爲欲在君前。

奉和率爾有詠

王訓



字懷範幼聰警有識量文章爲後進領袖官至侍中

殿內多仙女從來難比方別有當窓艷復是可憐  
粧學舞腰飛燕染粉薄南陽散黃分黛色薰衣雜  
棗香簡釵新輾翠試履逆填牆一朝恃容色非復  
守空房君恩若可恃願作雙鴛鴦

麗

### 應令詠舞

新妝本絕世。妙舞亦如仙。傾腰逐韻管。歛袵聽張  
絃。袖輕風易入。釵重步難前。笑態千金重。衣香十  
里傳。將持比飛燕。定當誰可憐。



有所思行 二首

庾肩吾

字子慎南陽新野人歷度  
支尚書散騎常侍中書令

佳期竟不歸。春物坐芳菲。  
拂匣看離扇。開箱見別  
衣。井梧生未合。宮槐卷復稀。  
逐飛趣。不及銜泥燕。從來相

其二

佳人遠于隔。乃在天一方。  
望望江山阻。悠悠道路  
長。別前秋葉落。別後春花芳。  
雷歎一聲響。雨淚忽



成行悵望情無極。傾心還自傷。

隴西行

借問隴西行。何當驅馬征。草合前迷路。雲濃後聞  
城。寄語幽閨妾。羅袖勿空縈。

春宵應令

征人別來久。年芳復臨牖。燭下夜縫衣。春寒偏著  
手。願及歸飛雁。因書寄高柳。

和徐主簿望月

樓上徘徊月。窓中愁思人。照雪光偏冷。臨花色轉



春星流時入。暈桂長欲侵。輪願以重光。曲承君歌。  
扇塵。艷

南苑還看人

春花競玉顏。俱折復俱攀。細腰宜窄衣。長釵巧挾。  
鬟。洛橋初度燭。青門欲上關。中人應有望。上客莫。  
前還。

送別於建興苑相逢

相逢小苑北。停車問苑中。梅新雜柳故。粉白映輪。  
紅。去影背斜日。香衣臨上風。雲流階漸黑。水開池。



平通去馬舡難歸啼鳥曲未終眷然從此別車西  
馬復東

賦得橫吹曲長安道

桂宮橫複道黃山開廣路遠聽平陵鍾遙識新豐  
樹合殿生末光離宮起烟霧日落歌吹還塵飛車  
馬渡

愛妾換馬

渥水出騰駒湘川實應圖來從西北道去逐東南  
隅琴聲悲玉匣山路泣薜蘿似鹿將含笑千金會



不俱。

詠美人看画

欲知画能巧，喚取真來映。花出似分身，相看如對鏡。  
安釵等疎密，著領俱周正。不解平城圍，誰與丹青競。

詠美人

絳樹及西施，俱是好容儀。非關能結束，本自細腰枝。  
鏡前難並照，相將映綠池。看教畏水動，歛袖避風吹。  
轉手齊裾亂，橫簪歷鬢垂。曲中人未取，誰堪



白日移。不分他相識。惟聽使君知。

七夕

玉匣卷懸衣。高樓開夜扉。嫦娥隨月落。織女逐星移。離前忿促夜。別後對空機。倩語雕陵鵲。填河未可飛。

冬曉詩

鄰雞聲已傳。愁人竟不眠。月光侵曙後。霜明落曉前。縈鬟起照鏡。誰忍整花鈿。

遠期篇



庾成師

憶別春花飛已見。秋葉稀。淚粉羞明鏡。愁帶減寬衣。得書言未反。夢見道應歸。坐使紅顏歇。獨掩青樓扉。

初春携內人行戲

徐君蒨

字懷簡東海鄉人爲  
湘東王諮議參軍

梳飾多今世。衣着一時新。草短猶通屨。梅香漸著人。樹斜牽錦幃。風橫入紅輪。滿酌蘭英酒。對此得



娛神。

共內人夜坐守歲

歡多情未極。賞至莫停杯。酒中喜桃子。粽裏覓楊梅。  
簾開風入帳。燭盡炭成灰。勿疑鬢釵重。爲待曉光催。

和湘東王春日

鮑泉

字潤岳。東海人。長史。行郢州府事。

新燕始新歸。新蝶復新飛。新花滿新樹。新月麗新



三  
新  
言  
卷八  
輝。新。光。新。氣。早。新。望。新。盈。抱。新。水。新。綠。浮。新。禽。新。  
音。好。新。景。自。新。還。新。葉。復。新。攀。新。枝。雖。可。結。新。愁。  
誰。解。顏。新。思。獨。氛。氲。新。知。不。可。聞。新。扇。如。新。月。新。  
蓋。學。新。雲。新。落。連。珠。淚。新。點。石。榴。裙。  
輕艷

詠薔薇

經。植。宜。春。館。霍。靡。上。蘭。宮。片。舒。猶。帶。紫。半。捲。未。全。  
紅。葉。踈。難。蔽。日。花。密。易。傷。風。佳。麗。新。粧。罷。含。笑。折。  
芳。叢。

南苑看游者



洛陽小苑地車馬盛經過緣溝駐行幘。傍柳轉鳴珂。履高全響珮。襪輕半隱羅。浮雲無處所。何用轉橫波。

落日看還

妖姬競早春。上苑逐名晨。苔輕變水色。霞濃掩日輪。雕甍斜落影。画扇拂梁塵。衣香遙已度。衫紅遠更新。誰家蕩舟妾。何處織縑人。

新聲巧變

寒閨詩

行人消息斷。空閨靜復寒。風急朝機燥。鏡暗晚粧殘。



難從來腰自小。衣帶就中寬。

詠名士悅傾城

劉緩

史云劉緩清虛遠有氣  
調風流迭宕名高一時

不信巫山女。不信洛川神。何關別有物。還是傾城人。  
經共陳王戲。曾與宋家隣。未嫁先名玉。來時本姓秦。  
粉光猶自面。朱色不勝脣。遙見疑花發。聞香知異春。  
釵長逐鬟髻。袿小稱腰身。夜夜言嬌盡。朝朝態還新。  
已傾荀奉倩。能迷石季倫。上客徒留目。



不見正橫陳。麗

### 秋夜

樓上起秋風。絕望秋閨中。燭溜花行滿。香燈奩欲空。徒教兩行淚。俱浮妝上紅。

### 冬宵

別後春池異。荷盡欲生冰。箱中剪刀冷。臺上面脂凝。纖腰轉無力。寒衣恐不勝。

### 寒閨

不堪寒夜久。夜夜守空床。衣裾逐座禡。釵影近燈



長無憐四幅錦何須辟惡香。

奉和夜聽妓聲

鄧鏗

燭華似明月。鬟影勝飛橋。妓兒齊鄭樂。爭妍學楚腰。  
新歌自作曲。舊瑟不須調。衆中俱不笑。座上莫相撩。

閨中月夜

閨中已日暮樓上月初華。樹陰緣砌上。窓影向床斜。  
開帷傷隻鳳。吹燈惜落花。誰能當此夕。獨處類



倡家

和陰梁州雜怨

別離雖未久，遂如長別離。  
叢桂頻銷葉，庭樹幾攀枝。  
君言妾貌改，妾畏君心移。  
終須一相見，併得兩相知。

侯司空宅詠妓

陰鏗

字子堅，武威人。五歲能誦詩賦，日千言。累遷晉陵太守，員外散騎常侍。

佳人徧綺席，妙曲動鵾絃。  
樓似陽臺上，池如洛浦



邊。鷺啼歌扇後。花落舞衫前。翠柳將斜日。偏照晚  
妝鮮。神采融徹

侍宴賦得竹

夾池一叢竹。青翠不驚寒。葉醞宜城酒。皮裁薛縣  
冠。湘川染別淚。衡嶺拂仙壇。欲見葳蕤色。當來兔  
苑看。

和樊晉侯傷妾

画梁朝日盡。芳樹落花辭。忽以千金笑。長作九原  
悲。鏡前塵素粉。機上網紅絲。戶餘雙燕入。床有一



空帷名香不可得。何見反竄時。

南征閨怨

湘水舊言深。征客理南尋。獨愁無處道。長悲不自  
禁。逢人憎解珮。幽居懶聽音。惟當有夜鵲。南飛似  
妾心。

班婕妤怨

栢梁新寵盛。長信昔恩傾。誰謂詩書巧。翻爲歌扇  
輕。花月分窻進。苔草共階生。妾淚衫前滿。單眠夢  
裏驚。可惜逢秋扇。何用合歡名。



奉和世子春情

甄固

昨晚褰簾望初逢雙燕歸今朝見桃李不啻數花  
飛已愁春欲度無復寄芳菲。

折楊柳

劉邈

彭城人曾爲侯景所得攻臺城  
不克邈勸景乞和全師景然之

高樓十載別楊柳擢絲枝摘葉驚開駛攀枝恨別  
離年年阻音信月月減容儀春來誰不望相思君



自知。

萬山見採桑人

倡妾不勝愁。結束下青樓。逐伴西城路。相携南陌頭。  
葉盡時移樹。枝高下易鉤。絲繩掛且脫。金籠寫復收。  
蠶饑日已暮。詎爲使君留。

見人織聊爲之詠

纖纖運玉指。脉脉正蛾眉。振躡開交縷。停梭續斷絲。  
簷花照初月。洞戶垂朱帷。弄機行掩淚。翻令織素遲。



三臺新詩 卷八  
秋閨

螢飛綺窓外。妾思霍將軍。燈前量獸錦。簷下織花紋。  
墜露如輕雨。長河似薄雲。秋還百種事。衣成未暇薰。

建興苑

紀少瑜

字幼瑒。秣陵人。爲晉安國中尉。除武陵王記室參軍。

丹陵抱天邑。紫苑更上林。銀臺懸百仞。玉樹起千尋。  
水流冠蓋影。風揚歌吹音。踟躕憐拾翠。顧步惜



遺簪。日落庭花轉。方幙屢移陰。終言樂未極。不道  
愛黃金。

擬吳筠體應教

庭樹發春輝。游人競下機。却匣擎歌扇。開箱擇舞  
衣。桑萎不復惜。看花遽將夕。自有專城居。空持迷  
上客。

春日

二首

聞人蒨

愁人試出牖。春色定無窮。參差依網日。淡蕩入簾



玉臺新詠 卷八  
風落花還繞樹。輕飛去隱空。徒令玉箸泣。雙垂明鏡中。

其二

高臺動春色。清池照日華。綠葵向光轉。翠柳逐風斜。林有驚心鳥。園多奪目花。相與咸知節。嘆子獨離家。人行今不返。何勞空折麻。

春閨怨

吳孜

玉關信使斷。借問不相諳。春光太無意。窺窓來見



參分與光陰絕。忽值日東南。柳枝皆黶燕。桑葉復  
催蠶。物色頓如此。嬌居似不堪。

和昭君怨

王叔英妻劉氏

叔英琅琊人劉  
繪女孝綽之妹

一生竟何定。萬事良難保。丹青失舊儀。玉匣成秋  
草。想妾辭關淚。至今猶未燥。漢使汝南來。殷勤爲  
人道。

賦得蕩子行未歸



朱超道

坐樓愁回望。息意不思君。無奈園中柳。寒時已報人。  
捉梳羞理鬢。挑朱懶向唇。何當上路晚。風吹還騎塵。

詠雪

裴子野

字機原。聞喜人。梁武帝以爲著作郎。累遷鴻臚卿。領步兵校尉。

飄遙千里雪。倏忽度龍沙。從雲合且散。因風卷復斜。  
拂草如連蝶。落樹似飛花。若贈離居者。折以代



瑤華

金樂歌

房篆

前溪流碧水。後渚映清天。登臺臨寶鏡。開窓對綺  
錢。玉顏光粉色。羅袖拂金鈿。春風散輕蝶。明月映  
新蓮。摘花競時侶。催指及芳年。

閨怨

陸罩

自憐斷帶日。偏恨分釵時。留步惜餘影。含意結愁



眉徒知今異昔。空使怨成思。欲以別離意。獨向  
蕪悲。

昭君辭

庾信

字子山新野人肩吾子  
累遷開府儀同三司

拭淚辭咸里。回顧望昭陽。鏡失菱花影。釵除卻日  
梁。圍腰無一尺。垂淚有千行。綠衫承馬汗。紅袖拂  
秋霜。別曲真多恨。哀絃須更長。

明君詞



歛眉光祿塞。遙望夫人城。片片紅顏落。雙雙淚眼生。  
冰河牽馬渡。雪路把鞍行。胡風入骨冷。漢月照心明。  
方調琴上曲。變入胡笳聲。清新

結客少年場行

結客少年場。春風滿路香。歌撩李都尉。菓擲潘河陽。  
折花遙勸酒。就水更移床。今年喜夫婿。新拜羽林郎。  
定知劉碧玉。偷嫁汝南王。

對酒

春水望桃花。春洲藉芳杜。琴從綠珠借。酒就文君



取牽馬向渭橋。日落山頭哺山簡。接羅倒王戎。如意舞箏鳴金谷園。笛韻平陽塢。人生一百年。歡笑惟三五。何處覓錢刀。求爲洛陽賈。

看妓

綠珠歌扇薄。飛燕舞衫長。琴曲隨流水。簫聲逐鳳凰。膺風蟬鬢亂。映日鳳釵光。懸知曲不誤。無事畏

周郎。

綺麗

和何僕射還宅懷故

內閣早朝罷。中臺夕奏稀。無復千金笑。徒勞五日



歸步簷朝未掃。蘭房晝掩扉。苔生理曲處。網積迴  
文機。故瑟餘絃斷。歌梁秋燕飛。朝雲雖可望。夜帳  
定難依。願憑甘露入。方假慧燈輝。寧知洛城晚。還  
淚獨沾衣。

和詠舞

洞房花燭明。燕餘雙舞輕。頓履隨踈節。低鬟逐上  
聲。步轉行初進。衫飄曲未成。鸞迴鏡欲滿。鶴顧市  
應傾。已曾天上學。詎似世中生。

春日題屏風



三臺新詩  
昨夜鳥聲春。驚鳴動四鄰。今朝花樹下。定有詠花人。  
流星浮酒泛。果瑱繞杯唇。何勞一片雨。喚作陽臺神。

陳

走筆戲書應令

徐陵

字孝穆東海郟人祖超之齊鬱林太守  
梁員外散騎常侍父摛梁戎昭將軍太  
子左衛率陵初爲梁晉安王叅軍遷散  
騎常侍歷侍中光祿大夫太子少傅建  
昌縣開國侯氣局深遠清簡寡欲爲一  
代文宗自陳創業文檄詔策皆陵所撰



此日乍殷勤。相嫌不如春。今宵花燭淚。非是夜迎人。  
舞席秋來卷。歌筵無數塵。曾經新代故。那惡故迎新。  
片月窺花簾。輕寒入錦中。秋來應瘦盡。偏自着腰身。

奉和詠舞

十五屬平陽。因來入建章。主家能教舞。城中巧画粧。  
低鬟向綺席。舉袖拂花黃。燭送窓邊影。衫傳篋裡香。  
當關好留客。故作舞衣長。

和王舍人送客未還閨中有望



倡人歌吹罷，對鏡覽紅顏。  
拭粉留花稱，除釵作小鬟。  
綺燈停不滅，高扉掩未關。  
良人在何處，光惟見月還。

爲羊兗州家人荅餉鏡

信來贈寶鏡，亭亭似團月。  
鏡久自踰明，人久情愈歇。  
取鏡掛空臺，於今莫復開。  
不見孤鸞鳥，香魂何處來。

玉臺新詠卷之八

終











L



